

M O R S
FELICISSIMA

QVATVOR LEGATORVM

LVSITANORVM

E T

S O C I O R V M

Quos Iapponiæ Imperator
occidit

I N

Odium Christianæ Religionis.

Auctore

P. ANTONIO FRANCISCO CARDIM
è Societate IESV

*Procuratore ad Urbem Prouincia
Iapponia.*



ROMÆ, Typis Heredum Corbelletti. 1646.

SVPERIORVM PERMISSV.

THE
AMERICAN

REVIEW

OF LITERATURE

AND

ART

OF THE

UNITED STATES

OF AMERICA

AND

OF THE

WEST INDIES

AND

THE

WEST INDIES

AND

THE

WEST INDIES

OF THE

UNITED STATES



MORS FELICISSIMA

QVATVOR LEGATORVM
LVSITANORVM

&

SOCIORVM,

Quos Iapponiæ Imperator
occidit

IN

Odium Christianæ Religionis.



▲▲▲▲▲ ONCITATVS Arimæ moribus To-
xogunfama Tyrannus, Lusitanorum
C commercium abruptit, vt funditus
euerteret Religionem Catholicam.
Dicere enim solitus erat, mercibus immittam,
nauigare, inuehique in oras suas Christia-
nam Fidem.

A 2 Vr

Vrbis Macai Senatus de Legatione mittenda statim deliberauit: vt hoc pacto experiretur, num Tyrannum insolescentem flectere potuisset. Destinantur ideò, delectu habito, ex numero ciuium quatuor, qui erant totius Vrbis lumina: nempe Ludouicus Paës Paciecus, Rodericus Sanciùs de Paredes, Gondifalus Monteiro de Carualho, Simon Vas de Paula, viri sanguine clari, annis graues, indole ac mente præcelsi, & perquàm idonei ad negotia quauis pertractanda: vtpotè qui Supremos Reipublicæ Magistratus administrauerant, & aliquoties Iaponiam adierant tractaturi de rebus grauissimis: sed inprimis conspicui, propter Christianæ Religionis professionem.

Electioni de se habitæ consensum dedere, inducti magis publica, quàm priuata vtilitate: et si præuiderant, capitibus mille oboriri pericula, posse in ea expeditione: sed vera nobilitas hoc habuit semper, vt sanguinis sui prodiga esset, dummodò patriam eriperet ex calamitatibus aduersæ fortunæ.

Disposita profectio, & præparatis rebus necessarijs ad obeundam Legationem, id habuerè potissimum; vt animum conuerterent ad spirituales opes, quæ iter prouerent in melius:

Co-

Comites verò, exemplo Legatorum, Sacra Altaris Myſteria cùm iam omnes ſuſcepſſent, ad littus properarunt. Conſtabat cohors eorum vniuerſa, præter Legatos, viris ſeptuaginta, Chriſtianis omnibus, ſed diuerſarum, hoc eſt, ſexdecim nationum. Diſce pietatis eorum argumentum: nullus exceptus in nauigio eſt, niſi poſtquàm exhibuit peractæ Exhomologeſis chirographum, quaſi hoc fuerit futuræ necis eorum pignus.

Nauis ſoluit Macab ſecundiffimis auris, etſi grauis erat affectibus & deſiderijs totius Ciuitatis: cùm dolerent vniuerſi, tantum decus Legatorum, eumque iuuentutis florem, qui erat in ipſorum comitatu, committi arbitrio gentis præferocis. Pacato, & ſereno mari ferebatur nauis: ſed ciuitas tota effuſa in preces nouendiales erat, aderatque ſuper aram Templi expoſitus in Hierotheca Euchariſticus Agnus, à quo Legatis abeuntibus cuncti nauigationem benè auguratam precabantur. Inoffenſo curſu nauem Oceanus deferabat, cùm intumuit repente ſecunda die, menſis Iulij ad Inſulam Formoſam: ne quid eſſet diù iucundum in rebus humanis, quod tandem ſpatio temporis non vitaretur. Mare infremuiſſe crediderim in hoſce Argonautas, non

ut eis quidem noceret, sed potius, ut eos innocentes à gente barbara, & ab infido littore arceret. Fractis denique antennis, & naui penè laccera, decima quinta die à profectione, hoc est, die sexta Iulij, in octaua Principum Apostolorum, Nangasachū appulere, felici sanè augurio. Videatur Paulus obtulisse gladium, ut non nisi co iugulum viris tam illustribus perfoderetur; & Petrus clauces Olympi in promptu habere voluisse, ut aditum eis in Cælum ad Superos, ac Deum aperiret.

Ostia ingredientibus occurrit Insula Martyrum, quam iacta ferri anchora tenuere. Arbitror, sanguinem Martyrum ibi aliquando effusum appullos consalutasse; utpotè futuros eorum comites. Certè naualis cohors illa vicem rependit, quia flexis genibus è puppi omnes Martyrum opem implorauerunt.

Vix imposita viæ coronide, steterat in anchoris nauigium; cum de littore remigio scaphæ ad natem proras suas direxerunt, & quæ erant proximæ, vndè, & quæ natio? succlamauerunt. Responsio fuit; Nauem Lusitanam esse, venisseque Legatos Macao cum Imperatore acturos de commercio sublato. Interpretes, postquamprehenderunt nullam aliam mercem nauigio adue-

aduehi, Urbis Macai litteras ad Præfectum Nagasachi detulerunt. Longum temporis interval-
lum ij expectarunt. Cum ecce naues validio-
res armis munitæ redierunt, in quibus vecti Ma-
gistratus de naui milite, de armis, de mercibus
magis accuratè inquisiuerunt; & postmodū cla-
uō naui erepto, & abducto præsidio, nauem se-
cūram in littore reliquerunt.

Postridie; cum iam aduēspērasceret, eadem
classis illūc remigrauit, vnā cum Bongijs, id est,
Ministris, & Iurabasis, id est, interpretibus. Hi
verò tormenta bellica deponunt ē plaustris, ea-
que impellunt ad littus. postridie reuertuntur;
& tum Legatos, tum eorum socios (exceptis
octo natione Indis) secum educunt, ocludunt
secreto Urbis loco, & cohorte armata custodiunt.
Postea Præfectus Urbis nuntium ad Legatos mi-
sit; qui bono esse animo eos iuberet; Nam se-
atebat concessurum ipsis liberali manu, quæ-
cumque vsui eorum esse possent. Ceterum ad-
monitos voluit, vt de Legatione scripto agerent,
quò ipse ad Regiam negotium transmitteret,
nec aliter rem ab se posse tractari. Legati eam
Præfecti urbanitatem sibi met gratulantur, &
grates referunt; affirmantes, se, gentemque
suam nihilo indigere, sed affluere ijs, quæ fo-
rent


rent victui necessaria : quoad Legationem verò se imperata executuros.

Vbi postera dies illuxit, Legati in modum supplicis libelli Legationis suæ momenta omnia exposuerunt. Videlicet ab Imperatore postularent Vrbi commercium restitui; & , vt persuasionem facerent , causas admodum consentaneas, & plurimas in eo exararunt, quemadmodum necessitas Urbis, simul, atque Tyranni exigebant. Dum hæc agitabantur in aula, Legatorumque Socij exeubitoribus armatis vndique stipati custodiebantur, tanta nimirum vigilantia, vt singuli recenserentur quotidie. Nuntio audito in aula, Tyrannus mira velocitate supremos misit Magistratus, quos Tonos vocant, Cangam Chuminimbu, & Nouayam Manxim-beyoye, vt in Legatis, & in eorum comitibus, violato iure gentium, exempla statuerent crudelitatis. Hique secum adduxere ab aula carnifices pares numero Legatorum cohorti: æquum erat non nisi à regio lictore frangi, cædique adeo nobiles ceruices.

Illucescente die, quam Deipara Portiuncula quotannis illustriorem reddit, ad Senatum omnes, nullo excepto, aduocantur, rerum quidem incerti, nisi quod tergiuersationes, & truces
vul-

vultus mortis indicia faciebant . illi proinde intùs disponebantur , ne , si fors felicissima obtigisset , imparatos eos occuparet . Limen primi vestibuli intrantes mille armatos obuios habuerunt : ab ijs itaque intercipiuntur illicò viri innocentissimi , diuidunturque in turmas tres , pro tribus domorum atrijs . Prior turma , Legatis Lusitanis , & Hispanis constans , ingressa est tribunal , vbi erat in sublimi folio Urbis Gubernator , vacuis Tonorum subsellijs . Ille Legatos sedere in imo gradu tabulati permisit , sed stare alios iussit . Postmodum strepitu excitato ascedere Toni ; compositi ad maiestatem omnem . Tunc à Legatis quæsitum est , cur in Iaponiam appulissent , Imperatore id prohibente , proposita etiam capitis pœna ? Illi contrà : legem Imperatoris repugnare mercibus dixerunt , non autem Legationibus : & Legatorum ius esse , vt possint in omnes oras nauigare , immò & penetrare in ipsos hostium suorum exercitus . Ita leges , ita naturam statuisse , & eam legem apud nationes omnes receptam esse . Nihilominus excepit Iurabasa , elataque voce sententiam Imperatoris perlegit , quam ex aula secum attulerat , & hoc illius exemplum .

SENTENTIA IMPERATORIS
aduersus Legatos, & eorum
Socios.


 VIA multa & grauiasunt scelera, quæ patrarunt per annos plures, promulgando Christianam Legem contra Imperatoris decretum; idem Dominus anno superiore propositis grauissimis penis prohibuit, nè in Iapponiam Macao nauigaretur, decernens fore, vt si, non obstante hac lege, nauis aliqua in Iapponiam transmitteret, deberet flammis tradi, atque adeò nauis vectoresque deberent trucidari. Quæ omnia singillatim, & per capita promulgauit. Et tamen hoc nunc nauigio miserè violarunt antedictum decretum, in quo grauiter deliquerunt. Præterea, quàmuis verbo affirmant, se post hac minimè Christianæ Legis Magistros missuros esse in Iapponiam; tamen Ciuitatis litteræ de hoc haud meminerunt. Quapropter, cùm Imperator prohibuisset eiusmodi nauigationem dumtaxat causa Christianæ Legis, & in epistolis huius rei mentionem ipsi non fecerint; compertum videtur, id omne me-
rum

rum esse figmentum. Ideò cuncti, quos nauis eorum huc adduxit, debebant supplicio extremo puniri, ita ut mali nuntius non superesset. tamen decernitur, vt nauis aduratur flammis, & vt internecioni dentur præcipua legationis capita cum eorum asseclis: quò ita Macai, & in Regnis patrijs de hoc exemplo vulgetur fama, & discant omnes ius Principum & Regum venerari. Volumus nihilominus, vt viliores è comitatu seruentur, ac remittantur Macaum: quòd si aliquo casu, vel vi aduersæ fortunæ nauem huc miserint; sciant, in quouis portu, ad quem appulerint, mactandos fore vniuersos. Datum tertia die sextæ Lunæ Anni decimi septimi Quanci: hoc est vigesima quinta die Iulij Anni millesimi sexcentissimi quadragesimi. Septem Gubernatores Tenzæ: Cammono Cami, Vonoino Cami, Sanukino Cami, Cangano Cami, Izuno Cami, Teuximano Cami.

Hoc iniquissimi Imperatoris mandatum nobilissima Christianorum acies summa alacritate animi, quasi allatum diuinitus accepit: præsertim ex quo animaduertit, in illo exprimi causam Fidei. Quod verò ad crimen attinet à Tyranno impositum Vrbi, quippe haud eam in litteris meminisse de non mittendis in Iaponiam Fidei

Magistris , tantum hoc abest à culpa , vt sit Vrbis potiùs eximia pietas , & res laude digna prorsus censeatur . Etenim promissio de hac re diuinam legem infringeret , violaretque : atque adeò Fidem Catholicà sua minueret maiestate . Solù Ciuitas per delectos viros cù Gubernatore Manilæ egit hoc tempore , vt Religiosos à Missionè Iapponica tantisper retardaret , donec iracundia Tyranni aliquantulùm remitteret .

Lata ea tam atroci , ac prorsus tyrannica sententia , defixi admiratione mutua , steterè vtrique omnes , qui aderant , mox rupere silentium . Toni palmarum complosione : eoque indicio facto carnifices eruperunt , qui funibus sub veste occultatis latitabant . Ij nechtunt atrociter gloriosos viros , & gens vilissima proterit Legatorum maiestatem : non vtiq; agnoscens subiterni pedibus suis obscenis eos , qui Seraphinorum alis quantocyùs super astra erant volaturi . Catenis , & contumelijs oneratos extrahunt è Curia , & pro vestibulo vniuersos in ordinem digerunt . Liëtoribus dixisse ferunt , dum ligaretur , Ludouicum Paës Paciecum , diuinas humanasque leges dedecus illud damnare , atque abominari , quod inferebatur Legatis : quorum vtiq; nomen apud barbaras gentes etiam sanctum atque illi-

illibatum semper fuit. Rodericum Sancium de Paredes addidisse aiunt, viros nobilitate ita inclytos non ea lege hospitij excipi solere. sequentes testes ipsosmet compellare, pro Christo ea tam indigna secum omnes pati. Eodem tempore funes injciuntur reliquis turmis, quæ in primo, & secundo atrio hæserant, & cuncti ad carcerem illicò perducuntur.

Post hac Iurubasæ seorsim Legatos, & nautæ Magistrum introduxere ad Tonos: sed quid ibi egerint, in comperto non est, quia occasio deinceps non fuit id sciscitandi. Eodem tempore qui in naui erant, acciti nuntio veniebant: nempe Scriba nauigij, nomine Ioannes Delgado, natione Canarinus: Chirurgus, nomine Dominicus De Quadres, gente Malabar: & Ioannes ortus Macai: ex quibus quæsiuerunt, num legationis essent participes, vel conducti stipendio, illuc appulissent. Responderunt, legationis conscios, haud se fuisse, & aduenisse dumtaxat mercede adductos, vt Legatis obsequerentur. Rursus interrogati fuere, an auderent regredi Macaum, atque ibi euulgare, Legatos peremptos esse tamquam Christianos, & tamquam violatores edicti Regij: an verò mallent eandem cum cis fortunam subire. Ad hæc forti animo responderunt,

infer-

inferrent utram liberet, se enim aduersa & prospera perire iuè luros. Responſionem hanc Toni admirati ſunt; cùm ſibi vix perſuadere poſſent, homines adeò vitæ contemptores eſſe. Demùm ipſos in Legatorum ordinem redegerunt.

Spatio temporis euoluto, Iurubaſæ, adueniunt & Luſitanos alta voce interrogant: nùm inter ipſos, præter nauclerũ, eſſet aliquis alius nauigandi peritus, qui Macaum ſe nauem reducere poſſe ſponderet. Conticuere omnes, quàmuis multi pericia nautica inſignes aſſent, ne coronas iam iam imminentes vertici eorum caſus aliquis detraheret. Inſtant Iurubaſæ, interrogantq; iterũ; an quis metiri Solem, atque obſeruare Aſtra ſciret. Tunc Dominicus Francus, ad Emmanuelem Ferdinandum conuerſus: Cur non reſpondeſ, inquit, cùm ſcias iſthæc obire munia? Ad eas voces admoniti Iurubaſæ, Emmanuelem ipſi percontantur; nùm hæc ſciret. Tùm ille: Scio, inquit, nec plura dixit: ne videretur vir fortis pro Chriſto ſtrictum iam gladium formidare. Abijt Iurubaſa, contentus ea notitia; & mox redijt referens ſcriptos in albo Scribam, Chirur- gum; atque Emmanuelem Ferdinandum, vincula ægrè commutantes cum libertate: & nouem præ-

præterea nautas, partim Sinas, & partim Indos, forte eductos ex numero aliorum, ac gementes vtique, se coronis fociorum spoliari.

Nox aderat: & quò magis ad metam felicitatum accedebant, eò etiam magis exultabant lætábundi. Noctis silentia preces & vota in Cœlum missa occupauerunt. Flagris carcer personabat, quibus se spontè afflictarunt. Crimina præterita flere omnes audiebantur, & ante se inuicem pedibus prouolui postulabant, vt impetrarent noxarum veniam. Quid mirabilius, quàm Indos rudes erigere Heros ad spem salutis? Quid speciosius, quàm homines gladio solùm, & nauigatione antehac exercitados, Ecclesiastem agere, ac prædicatione alios ad mortem obeundam incendere? Inter omnes, Legatus Rodericus Sancius de Paredes, de æternitate dixit vsque ad faucium lassitudinem. Omnes demùm ita Spiritus Domini repleuerat, agitabatq; vt Iurubasæ admonuerint temperandâ paululùm æstuantem adeò lætitiâ illam: quò ita intempesta nocte possent quiescere, qui in propinqua custodia erant, & ad quos suspiria eorum pertingere videbantur.

Mane, cùm serenior lux appeteret, quàm sole-
ret, in aurora diei tertiæ mensis Augusti; propter
hos

hos verè augustos heroes, qui ex suo sanguine
 purpuram induere mox debebant, crediderim
 Solem ipsum adproperasse, causa spectandi, vt re-
 spersus crnore ipsorum, populis, ad quos illumi-
 nandos progrediebatur, nūciaret eorum pugnā.
 Bonguij, hoc est Ministri Regij, cum ingenti ar-
 morum sonitu ad carcerem confluunt: Impera-
 toris grauem sententiā de integro recitant: &
 primò quidem educunt eos tredecim, quos
 Tyrannus seruari voluerat, vt nuntiaret aliorum
 supplicia, prominentibus albis supra capita eo-
 rum vexillulis, vt eo discrimine notarentur.
 Mox extrahunt ex diuerso carcere ceteros, nem-
 pè vnum & sexaginta, omnes æternæ felicitati
 destinatos: & supra singulorum caput in argu-
 mentum victoriæ vexillum erat, mortis causam
 referens, Iapponicis characteribus. Disponuntur
 lunarem in formam; & benè dum adhuc in ter-
 ris erant planetarum imagines imitabantur ij,
 qui etsi corporibus exanimatis vacuum lunam
 mox exprimere debebant, in animis tamen
 plenilunium ostentabant. Ad refectiōem
 inuitati, nauscant atque eam recusant, quia
 iam ad nectar & ambrosiam anhelabant. Vnus
 de cunctis Lusitanus iuuenis, Benedictus de
 Lima Cardoso, vt erat militari indole, da-
 pes

pes attigit: & secedens ab ordine aliorum, ridenti vultu adiit eos, qui Macaum erant profecturi: & rogata culparum suarum venia, ad socios exultabundus rediit.

Priusquàm acies illa inuicta explicaret se incompita Urbis, ex carcere ad Cælum itura; Iurubasæ à Bonguijs iussi sunt Imperatoris nomine, vitam clara voce illi offerre, qui ex eorum numero caderet. Hoc autem vocabulo significant Fidei defectionem. Sed sibilis propemodum exceperunt viri fortes impudentem & sacrilegam eam vocem. Et iterum atque iterum succlamarunt omnes, pro Christo utique se morituros. Mox, sedato feruore illo animorum, Legatus Simon Vas de Pauia, quem usque ad eum diem ægritudo vehemens occupauerat; exsiliit gestiēs. ex inopinata eius diei lætitia: ac, Benè, inquit, benè ò socij omnis molestia ex animis faceßat, verè enim pro Christo patimur. Neque ampliùs gaudia eum mentis deinceps deseruerunt. Ad hæc secundo Bonguij imperarunt, vt Iurubasæ vnūquemque adirent, atque inuitarēt ad Fidem negandam. quod dùm illi exequuntur, tota cohors voce vnanimi exclamauit, crudelia, & infanda, se pati mallè, quàm Fidem amittere. Interrogatus peculiariter Simon Vas de Pauia à Iurubasæ,

C

respon-

respondit alacritate mira: Heus Barbare, tu mihi audes tam indigna suadere? En Dominus IESVS de Cælo obuijs vlnis inuitat me, alliciteque ad delicias suas mansuras atque æternas. Miles Benedictus de Lyma Cardoso ludentis in morem respondit: Necesse est, corpus procumbat in morte, postquam, laniato ferri acie iugulo, animus in alstra immigrauerit. Aliter iuuenis Legati Gondifali Monteiro de Carualho, Sina, genere, nomine Franciscus, ætate annorum viginti, respondit constantissimè: Christianum hominem decere pro Christo, qui caput omnium est, mille offerre ceruices, si totidem haberet.

His adeò manifestis tum Orthodoxæ Fidei, tum Christianæ virtutis argumentis non satis contenti Imperatoris ministri adhuc grandiore vlulatu, quasi belluæ feroces, vitam eis sponderunt, si Christum eiusque Fidem defererent. Quæ importuna vox, tertio iam repetita, perculit adeò fortissimorum virorum animos; vt ferire sydera clamor ipsorum audiretur, causa detestandi sponsonem adeò impiam. Et sanè prouocare superos potuissent, vt descenderent quodammodo in societatem poenarum, si lictores eo momento gladium in ipsos exeruissent. Reper-

percusſæ montibus voces eorum nihil , niſi pro Fide mori ; & mori pro Chriſto , dulciſſimum enim uerò eſt , identidem reſonabât . Immò pueri ipſimet , quibus ſolent terriculamenta formidini eſſe ; ad gladios iàm diſtriçtos ſteterunt impauidi , quaſi non immineret eis periculum , ſed potiùs triumphus .

Erat ſeptima diei hora , quando è carceris atrio pedem extulerunt Chriſtiani illi , verè Gigantes gloria , atque omnes ad currendâ viam exultantes . Cùm autem vnde quaque circumfuſa multitudo eos catenatos cingeret , comitareturque ; Gondifalus Monteiro de Carualho , voluens in gyrum oculos , neque vllatenus perturbatus , Fidem in hæc verba profeſſus eſt . Vocor (ò vos mortales , qui adeſtis) Vocor Gondifalus Monteiro de Carualho : mihi patria oppidum Menianfrigidum in Luſitania : Pater Antonius Monteiro de Carualho , Mater Maria Pinta appellabantur , Vos omnes teſtor , & compello , me pro Chriſto , & pro Fide Romana , in Iaponiæ Regno hanc animam exhalare . Deinde , ad eos conuerſus , qui profeçturi Macaum erant : Eadem , inquit , & vos narrate , vbi Macaum appuleritis . Atque eadem verba fermè alijs , Legati , dùm abirent , pronunciarunt .

Is porrò fuit ordo, quo felices illæ victimæ ad occisionem processerunt. Præibant ministri Regij, armatorum satellitio horridi: præco vexillum humeris præferebat, in quo Tyranni sententia, erat descripta. Mox ducebat pulcherrimum agmen Ludouicus Paës Paciecus, & ponè conlequebantur ceteri Legati, vnàque Lusitani, Hispani, & quotquot cum eis erant immolandi. Post eos gradiebantur tredecim, quibus percerat Tyrannus, inuidentes meritò ijs, qui omnes oppetere mox debebant, & quorum erant futuri oculati testes, vt pugnæ eorum referrent. Impudentia Tyranni eò processit, vt non turpia modò faceret, sed turpiter facta etiam euulgari non erubuerit. A tergo à lateribus circumfusi satellites armati vallabant felicissimam illam aciem: & Legati quidem cum pallio, sed manibus ad terga reuinctis. procedebant: ceteri nudis pedibus, nudoque ibat capite; omnium medius erat adolescens Benedictus de Lyma Cardoso, tùm fiducia animi, tùm iuuentute conspicuus, qui oculos pariter, atque animos spectatorum suorum propè vulnerabat: ferebatur nudus; vel quia incendium amoris onera vestium non patiebatur; vel quia imitator Christi Domini pro mercede laborum, in custodes vesti-

men-

menta sua diuiferat. Alij prædicando longum illud iter transigebant. Eminebat verò super alios nauigij Magister Emmanuel Aluarez, qui plebis clamores, & armorum strepitus, prolata altiùs voce superabat: alij profunda meditatione filebant: sacros precatorios globulos alij ore & manu euoluebant. quidam vultu sublato contemplabantur sydera, quæ annuere tacitè videbantur, ac dicere singulis: Properate. Turba, feminarum è tabulatis, & ianuis domiciliorum, cùm aliter non possent, euntes gestu & lacrymis prosequabantur.

Tandem nona diei hora ventum est ad Martyrum collem, cui hanc indidere gloriosam appellationem olim occisi ibidem Christiani Martyres. Tunc omnes, quasi emenso laborum cursu & apprehenso felicitatum suarum brauiò, prouoluti in genua, terram irrigatam tot illustrium Heroum sanguine, speciosaque cæde eorū illustratam certatim exosculari cœperunt. Mox ministri vniuersos disposuere in tres lunatos ordines. Quorum primus Legatos, Lusitanos, atque Hispanos continebat. Secundus complectebatur nautas, & alios ignobiles vernas diuersarum nationum: si tamen possunt ignobiles nuncupari, qui sunt sine scelere. Nam nobilitas

tas



tas vera atque vnica, virtus est: et si infimo loco nasci, res est, quæ dedecorat; sufficiat ad nobilitatem, summo eos loco mori. Tertio & postremo loco ducebantur, qui erant Macaum reuersuri, sed procul tamen à ceteris: nec oportuit misceri cum alijs eos, quos tam felix fors ab ijsdem discriminabat. Circum omnia mortalibus plena erant, & propemodum Iapponia vniuersa, elata montibus suis interesse spectaculo videbatur.

Nullus ad nudatos iam gladios, & ceruicibus imminentes expalluit: quin immò ad virtutem, & constantiam futuri spes singulos acuebat. Legatus Rodericus Sâcius de Paredes, an pro Christo mortem inferrent, ter reddi certor ab eis voluit, qui supplicio præerant; ac toties exhilaratus vultu pariter animoque dixit, se pro Christo emori libentissimè. Nauigij Magister Emanuel Aluarez cum ingens animi vis ei suppeteret ad moriendum, ex ordine suo digrediens animabat socios tanta verborum facundia, vt Theologus veriùs, quàm Nauarchus videretur. Idem ad eos conuersus, qui erant profecturi Macaum, precatus vt nauigarent feliciter, admonuit, edicerent in patria, ipsum pro Christo, incredibili lætitia perfusum, mortem excipere.

Hic

Hic ego piaculi reus essem, si Emmanuelis factum silentio præterirem. Puer, illius seruus gente Balalla, in secundo ordine cum alijs Indis erat. Herus verò, de illius salute anxius, è loco suo manu adduxit, vt ante conspectum suum prior occumberet; veritus ne, se vtique sublato, aliquid minus Christianum puero contingeret. Atque ex voto successit: nam plexum capite puerum Dominus in Cælum præmisit.

Strinxere gladium carnifices, & signo edito vibrarunt aciem: eodemque temporis momento corpora obrûcata huâni procubuerunt, atque eorum animæ in Cælum adularunt. Ite felices, ite Heroes inclyti ac generosi: decerpite palmas immortales, & coronate vos rosis quæ nunquam marcescent. Legati estis non ad lapponiæ Tyrannum; sed ad Imperatorem Cæli, vt terris commercia restituat. Vestri sanguinis eloquentia hoc negotium tam graue, tam pertinens, apud Cæli Senatû conficiet.

Tam celebre spectaculum barbaras illas gentes perculit, & admiratione defixit: fatentibus Iurubasis, nullos illustriores viros pro Fide in Lapponia occubuisse. Atque hæc nimirum verâ sunt, si æstimentur singula; quæ huic spectaculo interuenerunt: quippè Occidens pari-

ter

ter atque Oriens videbantur conspirasse, vt hæc acies tam inclyta moreretur pro Christo. Ex Occidente Lusitanos, Hispanosque aspiceres offerre lictori capita. Ex Oriente, mistos, Indos, Papangos, Sinas, Bengalas, Cafres, Malayos, Timores, Solores, Balallas, Malabares, Accenos, Canarinos, Macassares, & Iauos. Neque retardauit quempiam ruditas indolis, metus seruilis, & in aliquibus penè præter Baptismum nulla diuinarum rerum cognitio. Auget etiam gloriam huius triumphi annorum numerus admodum exiguus: quippè Antonius puellus, Sina origine, & Legati Gondifali Monteiro seruus, vix octo annos habens, ceruicem impavidus lictori obtulit: atque adeò augetur gloria ex eo etiam, quòd serui, & iuuenes, etsi assueti vitæ laxiori, tamen tamquam mitissimi agni voluerunt immolari.

Legatos vnus carnifex vno sustulit gladio. Primus Legatorum cecidit, eques Christi inuictissimus, Gondifalus Monteiro de Carualho: secundus, Simon Vas de Pauia: tertius, Rodericus Sancius de Paredes: quartus, & postremus Ludouicus Paës Paciecus: & is nõ vno, sed tertio ictu exanimatus est: vel quia corpore erat obeso, vel quod gladius inuitus eũ cõsauciarevideretur.

Hoc

Hoc sacrificio peracto, tredecim, qui erant superstites, reducuntur ad carcerem: & occisorum corpora seruantur intacta, præter Iapponum consuetudinem. Solent enim in mortuos etiam gladio sæuire, ultra ius pœnæ, atque supplicium. Qui fuerant seruati, vix laxare animum eis tantisper licuerat, vinculis exsolutis, cum euocantur à Tonis, & interrogantur, Num exempla suorum vidissent? Annuerunt illi. Sed mox Toni exceperunt: Vita vobis conceditur, non iuxta merita quidem; subituri enim eratis idem supplicium; sed vt Macao redditi, narrare possitis, Imperatorem Iaponiæ Legatos inde missos plecti iussisse. Deinde seueriore quadam maiestate eos liberos dimiserunt: sed ea lege, vt nauigij prius incendio interessent; quod statim arsit incineres. Ne verò carina eius æstu reciprocante ad littus impelleretur, vel vomeretur ab Oceano ipso; in profundum perfossa & rupto latere, mergi mandarunt.

Ab eo nauigij spectaculo se illi recepere in ædes: & postridiè, hoc est quarta die mensis Augusti, reuocantur à Tonis: iubenturque Vrbi Macao significare; Imperatori Iaponiæ minime opus esse auro vel argento Lusitanorum, siquidem iussu eius, ipsi omnia pretiosa, quæ Le-

D

gati

gati attulerant, ibi dedere flammis. Præterea
 quæsiuere ab eis, num vellent abire nauibus Hol-
 landorum, quæ anchoras in portu Firandi iam
 sustulerant. Illi autem naui exigua seorsim ab
 Hollandis inde soluere maluerunt. Postremò
 sunt etiam percontati, cur instructi Legati ve-
 nissent omni bellico apparatu, nempè maiori-
 bus tormentis, ferreis fistulis, & hastis; cùm si-
 ne ijs onerariæ naues illuc appellere consueue-
 rint. Obnoxia piratis maria, inquit, & frequen-
 tata nauigijs Hollandorum audieramus: atque
 ea res consilium dederat, vt illuc armis muniti
 nauigaremus; quò vtique possemus hostiũ vim,
 si qui fortè ingruerent, propulsare. & quia simul
 petiuere, quid in Oriente, atque adeò in Euro-
 pa etiam, si fortè illuc excurrerent, dicturi es-
 sent de illo supplicio apud exteras nationes; re-
 sponderunt, se vera loquuturos: nempè, Impera-
 torem Iaponiæ Legatos Lusitanos trucidasse,
 eorumque naui subiecisse ignem, quia Christiana-
 nam legem profitebantur, & quia eius manda-
 tum fuerant transgressi: se autem numero tre-
 decim dimissos à supplicio immunes, vt quæ fa-
 cta fuerant, denarrarent. Ceterum Reges &
 Populos terrarum omnes, id factum vtique
 damnaturos; vtpotè contra ius gentium. Inde
 ad

ad montem supplicij feruntur , vt agnoscant capita occisorum ; quæ repperunt præfixa tabulis , & in tres diuisa ordines . Legatorum capita erant ab alijs discreta , nec pallere , aut tabo fluere videbantur : quinimmò roseus color , & offusus vultui decor , sortem eorum satis indicabat . Erant porrò iuxta ingentem malum constituta , ex cuius vertice sententia Tyranni præpendebat . Non pròcul inde domum notaue-
rant , vbi corpora se pelierant , iniectis supra ingentium lapidum acervis : scilicet vt , si aliquando Iappones de ijs tacerent , saxa ipsa loquerentur . Ex medijs ijsdem lapidibus malus prominebat , & incisa ibi erat legatio , atque etiam causa mortis , posteris videlicet monumentum , & perenne trophæum gloriæ . Inscriptioni adiunxerat Tyrannus , stolidam prorsus barbarie ; simili pœna fore multandos quotquot in eas oras deinceps ex Lusitania subgrederentur , siue Legati essent , siue nautæ , etiam si acti errore , vel tempestate : immò , & Regem quoque Lusitaniæ , & Xacam , & ipsum Deum Christianorum , si aduenissent , daturus easdem omninò pœnas . Tàm est cœca & sacrilega mens eorum , qui verum Deum ignorant , quo sunt vbique omnia plena , & in quo viuimus , mouemur , & sumus .

E felicissimo illo Montis iugo, inter suspiria mille, & desideria sociorum, quos ibi deserebant, excessere demum ad littus, ut opportunitatem pro reditu nauem eligerent. Tunc verò Iurubasæ adhuc perculsi rei nouitate, quæ illo temporis vestigio euenerat, memorarunt; prius quàm Legari immolarentur, prima die mensis Augusti, seu decima tertia suæ Lunæ, custodias intempesta nocte supra nauigium, quò illuc Legari appulerant, spectasse igneum globum in aëre libratum: & cùm accurrerent, ut propius prodigium illud intuerentur, solutum eum globum statim esse in radios nitidissimos: eo autem portento euulgato, miros in Vrbe sermones spargi cœpisse: secunda verò die Augusti, qua cunctis iniectæ catenæ fuerant; Solem specie cruenta fœdaque in Cælo apparuisse. Cœlites dixeris descendisse ad consortium pœnarum, & Solem condolere voluisse supplicio Legatorum; aut Iapponiæ potiùs enunciare, gladium Domini iam ferè vibratum supra ceruices Ethnicorum.

Tandem ij Kalendis Septembris è Nangasacki portu emigrarunt, & per eum tractum Oceani, quem antea superauerant, quàmuis lacero & penè inermi nauigio abiuerunt.

Vfur-

Vfurpare potuissent carmen illud :

Hec fuge crudeles terras , fuge litus iniquum.

Nam iniquitas est, vbi Diuina Fides desideratur.

Ter Oceanus Iapponicus gurgite tumescens
te aduersus eos viatores miseros insurrexit; vt, in-
dolem Tyranni referens, castigaret naufragio il-
los, quibus pepercerat gladius. Septies clauum
amiserunt: & tandem exactis in nauigatione
diebus viginti, optatum portum incolumes te-
nuerunt. Inuenere Urbem sollicitam de exitu
legationis: quæ Vrbs, vbi de Legatorum sorte tam
beata ex ipsis cognouit, mœrore omni depulso,
spretaque commercij iactura, festiuos induit cul-
tus, effusaque in lætitiâ procurret ad litus.
Non facile sit referre, quæ fuerint omnium gau-
dia, acclamationes, & plausus. Flores certatim
in eos reduces iactabant: nec semel, sed iterum
& sæpius, audire ab ipsis tam læta nuncia deside-
rabant. Tibiarum & fidium cantu modulatis-
simo omnia circumsonabant: indicti honores
templis fuerunt, fusæque ad Deum preces, & gra-
tes immortales Numini redditæ: viginti die-
rum lumina nocturnis horis tota Vrbe arserunt,
plaususque & choreæ frequentabantur, quasi
de Iapponia triumphus celebraretur. Tanta ni-
mirum fuit Urbis Macai pietas, & religio; vt
for-

fortunis proprijs, & commode priuato honorem Dei anteferre maluerit. Id autem pietatis scenore duplicato Deus compensauit: quia è profuso Ciuium eius sanguine immortale decus, fama iugis & perennis, atque omnis opulencia in eam Urbem emanauit.

N V M E R V S

Totius felicissimæ cohortis.

- 1 **L**vdouicus Paës Paciecus, Lusitanus, Legatus, Cocini natus in Oriente, viduus Macai, sexaginta habens annos.
- 2 Rodericus Sancius de Paredes, Lusitanus, Legatus, Tomarij natus in Lusitania, Macai coniugatus, quinquaginta quinque habens annos.
- 3 Simon Vas de Pauia, Lusitanus, Legatus, Vlyssipone natus, Macai coniugatus, quinquaginta tres habens annos.
- 4 Gondifalus Monteiro de Carualho, Lusitanus, Legatus, Menianfrigidi in Lusitania natus, Macai viduus, quinquaginta annos habens.

Lu-

Lusitani Milites, & Nautæ.

- 5 **D**ominicus Francus, Lusitanus, Vlyssipone natus, coniugatus Macai, nauigij dux, quinquaginta annos habens.
- 6 Franciscus Dias Boto, Lusitanus, natus Vlyssipone, nauclerus, coniugatus Goæ, quinquaginta quinque annos habens.
- 7 Emmanuel Alvarez Francus, Lusitanus, natus Vlyssipone, Macai coniugatus, nauis Magister, triginta tres annos habens.
- 8 Didacus Diaz Milhao, Lusitanus, natus Barcelis Diœcesis Bracharësis, nauis Comestabilis, cõiugatus Macai, quadraginta annos habens.
- 9 Didacus Fernandes, Lusitanus, natus Bèpostæ, Diœcesis Conimbricensis, Macai coniugatus, miles, vigintiocto annos habens.
- 10 Benedictus de Lyra Cardesius, Lusitanus, miles, natus in Portuensi Vrbe, nouemdecim annos habens.
- 11 Ludouicus Barretus Fialho, Lusitanus, miles, natus Ormuzij, in sinu Persico, Macai coniugatus, viginti quinque annos habens.

12 Em-

- 12 Emmanuel de Nogueira, Lusitanus, miles, natus Vlyssipone, Macai coniugatus, viginti quinque annos habans.
- 13 Didacus de Sanctis, Lusitanus, miles, natus in Promontorio Lunæ Cascaës Diœcesis Vlyssiponensis innuptus, triginta quinque annos habens.
- 14 Ioannes Paciecus, Lusitanus, nauta, Vlyssipone natus, coniugatus Macai, triginta annos habens.
- 15 Gaspar Martinus, Lusitanus, nauta, natus Vianæ à Caminha in Lusitania, Diœcesis Bracharensis, viduus, triginta quinque annos habens.
- 16 Damianus Franciscus, Lusitanus, nauta, natus in Oppido Sancta Ouaya in Lusitania, Diœcesis Bracharēsis, cōiugatus Macai, quinquaginta annos habens.

Hispani Nautę, & Milites.

- 17 **A**lphonfus Gallegos, Hispanus, miles, Razæ natus in Bætica, Diœcesis Hispalensis, viduus Macai, quadraginta tres annos habēs.

18 Ioan-

- 18 Ioannes Henriquez Carrianus, missus ex patre Hispano, & matre Inda, natus in Insulis Philippinis, miles, Macai coniugatus, triginta tres annos habens.
- 19 Petrus Perez, natus Oppido Cantada in Gallæcia, nauta, quadraginta tres annos habens.
- 20 Didacus de Mendoza, missus ex patre Lusitano, & matre Inda, Ciauuilis natus in Oriente, miles, Macai coniugatus, triginta annos habens.

Sinenfes Macai nati, quos
vocant Iurubasas.

- 21 **P**etrus Vas Sina, Macai natus, nauta, Nagapatam in Oppido coniugatus, quinquaginta septem annos habens.
- 22 Michael Araujo Sina, coniugatus Macai, viginti septem annos habens.
- 23 Dominicus de Acunha Sina, nauta, coniugatus Manilæ, triginta annos habens.
- 24 Dominicus Ferdinandus, Sina, coniugatus Manilæ, quinquaginta annos habens.

Sinenſes in Sinarum Regno nati .

- 15 **F**ranciscus Leitanus, Sina, cōiugatus Macai, nauta, triginta annos habens.
- 26 Sebastianus à Rocha, Sina, coniugatus Macai, nauta, triginta annos habens.
- 27 Antonius Carneiro, Sina, coniugatus Macai, nauta, triginta annos habens.
- 28 Iosephus Tauares, Sina, coniugatus Macai, nauta, triginta quinque annos habens.
- 29 Antonius de Moraës, Sina, coniugatus Macai, nauta, viginti octo annos habens.
- 30 Maurus Marim, Sina, nauta, triginta annos habens.

N A V I S

Ministri in Sinarum Regno nati .

- 31 **I**osephus Sina, seruus, viginti habens annos.
- 32 Franciscus Sina, seruus, viginti tres habens

- bens annos.
- 33 . Antonius Sina , seruus , octo habens annos .
- 34 Nicolaus Sina , seruus , undecim habens annos .
- 35 Dominicus Sina , seruus , viginti septem habens annos .
- 36 Emmanuel Sina , liber , viginti quinque habens annos .
- 37 . Lazarus Sina , seruus , septemdecim habens annos .

N A T I O N E

Bengallę .

- 38 **P** Afchalis , Bengalla , seruus , triginta sex habens annos .
- 39 Ioannes , Bengalla , seruus , quinquaginta habens annos .
- 40 Matthæus , Bengalla , liber , viginti tres habens annos .
- 41 Emmanuel , Bengalla , seruus , triginta habens annos .
- 42 Gondifalus , Bengalla , seruus , triginta tres annos habens .

- 36 *Catalogus Occisorum*
43 Dominicus, Bengalla, seruus, triginta-
annos habens.

Nautę Gente Canarini,
& Aceni.

- 44 **A**vgustinus Corea, Canarinus, nauta, ex
insula Bardès, Macai, coniugatus, qua-
draginta habens annos.
45 Gaspar Monteiro, Acenus, nauta, trigin-
ta annos habens.

N A T I O N E
Balallę.

- 46 **S**ebastianus, Balalla, libertus, viginti tres
habeus annos.
47 Nicolaus, Balalla, seruus, quinquaginta,
habeus annos.
48 Antonius, Balalla, seruus, viginti habens
annos.

MA-

M A L A B A R E S.

- 49 **A**Ntonius, Malabar, seruus, viginti habens annos.
50 Gondifalus, Malabar, seruus, viginti habens annos.
51 Thomas, Malabar, viginti quinque habens annos.
52 Ioannes, Malabar, seruus, viginti septem habens annos.
53 Hieronymus, Malabar, seruus, quinquaginta octo habens annos.

C A F R E S
ex Domo Legatorum.

- 54 **A**Ntonius, Cafer, seruus, viginti quinque habens annos.
55 Aluarus, Cafer, seruus, quadraginta habens annos.
56 Franciscus, Cafer, liber, quinquaginta habens annos.

Ex

Ex varijs Nationibus.

- 57 **D**ominicus, Malayus, seruus, Macai coniugatus, viginti septem habens annos.
- 58 Antonius, Zamba, liber, ex insula Solor, Macai coniugatus, triginta habens annos.
- 59 Ioannes, Papangus, liber, ex insulis Philippinis, triginta habens annos.
- 60 Albertus, natione Timor, seruus, septemdecim habens annos.
- 61 Emmanuel, Iauus, seruus, ex insula Iaua, trigintaquinque habens annos.

Nationes, & Numerus illorum,
qui pro Christo occisi sunt.

L Vsitani cum Legatis pro Christo occisi sunt	16
Hispani	2
Misti	2
Sinx, in Sinarum Regno nati	4
	Sinx,

Sinæ, Macai nati,	4
Canarinus	1
Acenus	1
Balallæ	3
Malabares	5
Cafres.	3
Malayus	1
Solor	1
Papanguus	1
Timor	1
Iauus	1
Bengallæ	6
Nationes	16
Mortui pro Christo	61



Protestatio Auctoris.

Lector aduerte in Elogijs Virorum Illustrium quos hoc libro complexus sum nonnulla me obiter attingere, quæ sanctitatem ipsi videantur adscribere: perstringo nonnunquam aliqua ab ijs gesta, quæ cum vires humanas superent, miracula videri possunt: præfagia futurorum, Arcanorum, manifestationes, reuelationes, illustrationes, & si quæ sunt alia huiusmodi: beneficia item in miseros mortales eorum intercessione diuinitus; demum nonnullis sanctimonie, vel Martyrij videor appellatione tribuere. Verùm hæc omnia ita meis lectoribus propono, vt nolim ab illis accipi tanquàm ab Apostolica Sede examinata, atque approbata, sed tanquàm, quæ à sola suorum Auctorum fide pondus obtineant. atque adeò non aliter, quàm humanam historiam. Proinde Apostolicum S. Congregationis S. R. & Vniuersalis Inquisitionis Decretum Anno 1625. editum, & anno 1634. confirmatum integrè, atque inuiolatè, iuxta declarationem eiusdem Decreti à Sanctis. D. N. D. Urbano Papa VIII. anno 1631. factam seruari à me omnes intelligant, nec velle me, vel cultum, aut venerationem aliquam per has meas narrationes vili arrogare, vel famam, & opinionem sanctitatis, aut martyrij inducere, seu augere. nec quicquid eius existimationi adiungere, nullumque gradum facere ad futuram aliquando vilius Beatificationem, vel Canonizationem, aut miraculi comprobationem, sed omnia in eo statu à me relinqui, quem seclusa hac mea lucubratione obtinerent, non obstante quocunque longissimi temporis cursu. Hoc tam sanctè profiteor, quàm decet eum, qui Sanctæ Sedis Apostolicæ obediētissimus haberi filius cupit, & ab ea in omni sua inscriptione, & actione dirigi.

Antonius Franciscus Cardim.



L A V S D E O.